

2. Sredstva iz tačke 1. ovog Zaključka evidentirat će se u razdjelu 21, glava 02, potrošačka jedinica 0020 - JU "Druga osnovna škola", na ekonomskom kodu: 613400 - Nabavka materijala, funkcija 091 iznos: 2.312 KM
3. Odobrava se unos sredstava (primljeni transferi od općina 732116) u Budžet Kantona Sarajevo za 2016. godinu u iznosu od 2.079 KM koja su JU "Deset osnovna škola" doznačena od strane Općine Ilidža u skladu sa Odlukom o isplati novčanih sredstava na ime troškova realizacije dačkih užina za socijalno ugrožene učenike.
4. Sredstva iz tačke 3. ovog Zaključka evidentirat će se u razdjelu 21, glava 02, potrošačka jedinica 0068 - JU "Deseta osnovna škola", na ekonomskom kodu: 613400 - Nabavka materijala, funkcija 091 iznos: 2.079 KM
5. Odobrava se unos sredstava (primljeni transferi od Federacije 732112) u Budžet Kantona Sarajevo za 2016. godinu u iznosu od 4.840 KM koja su JU "Škola za srednje stručno obrazovanje i radno osposobljavanje" doznačena od strane Federalnog ministarstva obrazovanja i nauke u skladu sa Ugovorom o sufinansiranju projekata iz oblasti predškolskog, osnovnog i srednjeg obrazovanja u svrhu realizacije projekta "IT u odgojno-obrazovnom radu s djecom sa poteškoćama u razvoju".
6. Sredstva iz tačke 5. ovog Zaključka evidentirat će se u razdjelu 21, glava 03, potrošačka jedinica 0033 - JU "Škola za srednje stručno obrazovanje i radno osposobljavanje", na ekonomskim kodovima: 613400 - Nabavka materijala, funkcija 092 iznos: 290 KM
613900 - Ugovorene i druge posebne usluge, funkcija 092 iznos: 2.150 KM
821300 - Nabavka opreme, funkcija 092 iznos: 2.400 KM
7. Odobrava se unos sredstava (primljeni transferi od općina 732116) u Budžet Kantona Sarajevo za 2016. godinu u iznosu od 10.000 KM koja su JU "Djeca Sarajeva" doznačena od strane Općine Ilijaš u skladu sa Ugovorom o međusobnim pravima, obavezama i odgovornosti na ime sufinansiranja projekta zamjene podnih obloga u objektu Vrtića "Ilijaš".
8. Sredstva iz tačke 7. ovog Zaključka evidentirat će se u razdjelu 21, glava 06, potrošačka jedinica 0001 -JU "Djeca Sarajeva", na ekonomskom kodu: 613700 - Izdaci za tekuće održavanje, funkcija 091 iznos: 10.000 KM
9. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva za obrazovanje, nauku i mlade, te pratiti utrošak istih.
10. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-9504-16/16
24. marta 2016. godine
Sarajevo

Premijer
Elmedin Konaković, s. r.

Ministarstvo zdravstva

Na osnovu člana 70. st. 1. i 2. Zakona o organizaciji organa uprave u Federaciji BiH ("Službene novine Federacije BiH", broj 35/05) i člana 6. stav 1. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje

apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), Ministarstvo zdravstva Kantona Sarajevo donosi

ODLUKU

O SLOBODNIM LOKACIJAMA ZA OSNIVANJE APOTEKA ZA 2016. GODINU NA PODRUČJU KANTONA SARAJEVO

I

Ovom Odlukom definišu se slobodne lokacije na području Kantona Sarajevo za 2016. godinu za osnivanje apoteka, u skladu sa demografskim i geografskim kriterijima utvrđenim Pravilnikom o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14) (u daljem tekstu: Pravilnik).

II

U skladu sa utvrđenim kriterijima propisanim čl. 3. i 4. Pravilnika, Ministarstvo zdravstva Kantona Sarajevo, utvrđuje slobodne lokacije za osnivanje apoteka za 2016. godinu, po mjesnim zajednicama u općinama na području Kantona Sarajevo kako slijedi:

1. Općina Ilidža - 2 apoteke
 - za područje Mjesne zajednice Blažuj - 1 apoteka
 - za područje Mjesne zajednice Stup 2 - novo naselje Tibra - 1 apoteka
2. Općina Hadžići - za područje Mjesne zajednice Binježevo - 1 apoteka
3. Općina Vogošća za područje dijela Mjesne zajednice Kobilja Glava prema Mjesnoj zajednici Hotonj - 1 apoteka
4. Općina Novo Sarajevo - za područje Mjesne zajednice Hrasno brdo 1 apoteka
5. Općina Centar - za područje Mjesne zajednice Soukbunar - 1 apoteka
6. Općina Stari Grad - za područje Mjesne zajednice Kovači - 1 apoteka

III

Međusobna udaljenost između dvije apoteke ne može biti manja od 400 metara najbliže cestovne povezanosti.

Međusobna udaljenost apoteka iz stava 1. ove tačke utvrđuje se geodetskim izmjerom ovlaštene osobe za obavljanje geodetskih poslova shodno važećim propisima iz ove oblasti.

IV

Na podnijeti prethodni zahtjev osnivača buduće apoteke odnosno budućeg nositelja odobrenja za privatnu praksu, Ministarstvo zdravstva Kantona Sarajevo će izdati saglasnost da se na toj lokaciji može osnovati apoteka.

Osnivač buduće apoteke odnosno buduću nositelj odobrenja za privatnu praksu kojem je izdata prethodna saglasnost na lokaciju dužan je podnijeti zahtjev za osnivanje apoteke s potpunom dokumentacijom shodno Pravilniku najkasnije tri mjeseca od dobijanja saglasnosti.

Ukoliko u roku utvrđenom u prethodnom stavu buduću osnivač ne podnese Ministarstvu zdravstva zahtjev s potpunom dokumentacijom za osnivanje apoteke shodno Pravilniku, ista će se poništiti i izdati drugom podnosiocu koji ispunjava kriterije utvrđene ovom Odlukom.

Budućem nositelju odobrenja za privatnu praksu, odnosno budućem osnivaču apoteke na lokacije utvrđene u tački II Odluke o slobodnim lokacijama se može izdati samo jedna prethodna saglasnost.

V

Ova odluka stupa na snagu danom donošenja i bit će objavljena u "Službenim novinama Kantona Sarajevo" i na web stranici Ministarstva zdravstva.

Obrazloženje

U skladu sa članom 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), kantonarno ministarstvo zdravstva, određuje slobodne lokacije na kojima će se osnivati apoteke. Pored demografskih i geografskih kriterija utvrđenih u članu 3. i 4. pomenutog Pravilnika, Ministarstvo zdravstva je cijeniло potrebe lokalnih zajednica za apotekarskom službom sa aspekta potreba stanovništva uzimajući u obzir ukupan broj stanovnika tog lokaliteta i postojeći broj apoteka, te saobraćajnu povezanost apoteke i dostupnost stanovništvu.

Prilikom dodjele prethodne saglasnosti budućim nositeljima odobrenja za privatnu praksu, odnosno budućim osnivačima apoteka, Ministarstvo zdravstva će naročito cijiniti položaj apoteke, odnosno udaljenost apoteke u odnosu na ambulantu, dostupnost stanovništvu buduće apoteke sa aspekta radnog vremena, garanciju o pružanju usluga najmanje 5 godina bez prava prenosa osnivačko vlasničkih prava na druga pravna i fizička lica, udaljenost od najbliže postojeće apoteke a koja ne može biti manja od 400 m cestovne udaljenosti kao i zapošljavanje lica koja se vode na evidenciji JU Služba za zapošljavanje Kantona Sarajevo. Ukoliko osnivač budućeg ogranka apoteke već posjeduje PZU na području Federacije BiH/BiH i/ili je pružao farmaceutsku uslugu na području Bosne i Hercegovine/Federacije BiH, Ministarstvo zdravstva će cijiniti dosadašnje iskustvo, odnosno zadovoljstvo korisnika uslugama, najmanje za dvije posljednje godine rada apoteke, posebno od dobavljača i Zavoda zdravstvenog osiguranja Kantona Sarajevo.

Ukoliko na istoj lokaciji bude više zaprimljenih zahtjeva budućih nositelja odobrenja za privatnu praksu, odnosno budućih osnivača apoteka koji ispunjavaju sve kriterije, ministarstvo će odlučivati prema redosljedu kojim su podneseni prethodni zahtjevi.

Imajući u vidu naprijed navedeno odlučeno je kao u dispozitivu ove Odluke.

Broj 10-05-9626/16
23. marta 2016. godine
Sarajevo

Ministrica
Zilha Ademaj, s. r.

Ured za zakonodavstvo Vlade Kantona Sarajevo

Na osnovu člana 6. Uredbe o izmjenama i dopunama Uredbe o evidenciji imovine Kantona Sarajevo ("Službene novine Kantona Sarajevo", broj 2/16) i člana 4. stav 1. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06 - Prečišćeni tekst), Ured za zakonodavstvo Vlade Kantona Sarajevo utvrdio je Prečišćeni tekst Uredbe o evidenciji imovine Kantona Sarajevo.

Prečišćeni tekst Uredbe o evidenciji imovine Kantona Sarajevo obuhvata: Uredbu o evidenciji imovine Kantona

Sarajevo ("Službene novine Kantona Sarajevo", broj 23/97), Uredbu o izmjenama Uredbe o evidenciji imovine Kantona Sarajevo ("Službene novine Kantona Sarajevo broj 5/02), Uredbu o izmjenama Uredbe o evidenciji imovine Kantona Sarajevo ("Službene novine Kantona Sarajevo", broj 2/13) i Uredbu o izmjenama i dopunama Uredbe o evidenciji imovine Kantona Sarajevo ("Službene novine Kantona Sarajevo", broj 2/16), u kojima je označen dan njihovog stupanja na snagu.

Broj 09-02-3890/16
22. marta 2016. godine
Sarajevo

Sekretar
Ureda za zakonodavstvo
Vlade Kantona Sarajevo
Ahmed Ljubović, s. r.

UREDBA

O EVIDENCIJI IMOVINE KANTONA SARAJEVO

(Prečišćeni tekst)

Član 1.

Ovom uredbom uređuje se način evidentiranja imovine Kantona Sarajevo (u daljem tekstu: imovina) utvrđene Zakonom o imovini Kantona Sarajevo i određuju organi koji vrše evidentiranje.

Član 2.

Evidenciju imovine vrše pravna lica i drugi organi kojima je povjereno korištenje imovine Kantona iz čl. 3., 5., 6. i 7. Zakona o imovini Kantona Sarajevo (u daljem tekstu: subjekti).

Na osnovu evidencije imovine iz prethodnog stava, vodi se jedinstvena evidencija imovine Kantona po subjektima u Upravi za geodetske i imovinsko pravne poslove u sastavu Ministarstva prostornog uređenja, građenja i zaštite okoliša Kantona Sarajevo (u daljem tekstu: Uprava).

Član 3.

Evidencija imovine vrši se odvojeno za nepokretnu i pokretnu imovinu.

Član 4.

Subjekti su dužni identifikovati i uspostaviti evidenciju nepokretne imovine (u daljem tekstu: nekretnine), sa naznačenim aktom na osnovu kojeg upravljaju tom imovinom i odgovarajućom dokumentacijom (zemljišno knjižni izvadak, posjednički list, akt o osnivanju, ugovor o kupovini, donaciji, zamjeni, izgradnji i druge isprave potrebne za utvrđivanje prava upravljanja na nekretninama).

Subjekti vode evidenciju pokretne imovine (stvari i novčana sredstva), po važećim propisima i standardima (finansijske i računovodstvene evidencije).

Član 5.

Nakon prijema podataka o identifikovanoj nepokretnoj imovini od strane pravnih subjekata, Uprava u saradnji sa Pravobranilaštvom Kantona Sarajevo, obavlja sve pripremne radnje u cilju upisa prava na imovinu u Zemljišnim knjigama nadležnog suda u Sarajevu u korist Kantona Sarajevo, odnosno obavlja i ostale pravne radnje u cilju usklađivanja stanja katastra nadležne općine sa stanjem u zemljišnim knjigama.

Član 6.

Vlada Kantona Sarajevo će u roku od 30 dana od dana stupanja na snagu ove Uredbe imenovati stalnu Komisiju za implementaciju Uredbe o evidenciji imovine sastavljenu od pet članova. Zadatak Komisije je učestvovati u uspostavi i ažuriranju registra nekretnina; stručna analiza unesenih podataka; stručna